



Kantonalna uprava civilne zaštite

Broj: 18/1-44-22906-2/17
Tuzla, 07.07.2017. godine

Kantonalna uprava civilne zaštite, na osnovu člana 128. stav 4. Zakona o zaštiti od požara i vatrogastvu ("Službene novine Federacije BiH", broj 64/09) i člana 200. Zakona o upravnom postupku ("Službene novine Federacije BiH", broj 2/98 i 48/99), rješavajući po zahtjevu preduzeća "ZEP-ING" d.o.o. Tuzla, u predmetu izdavanja ovlaštenja za obavljanje poslova stručnog osposobljavanja i usavršavanja zaposlenih lica iz oblasti zaštite od požara, d o n o s i

RJEŠENJE

Daje se ovlaštenje preduzeću "ZEP-ING" d.o.o. Tuzla, sa sjedištem u Tuzli, PZC Stupine do br. 11, za obavljanje poslova stručnog osposobljavanja i usavršavanja zaposlenih lica iz oblasti zaštite od požara.

"ZEP-ING" d.o.o. Tuzla dužan je u izvođenju poslova pridržavati se Programa obuke zaposlenika u pravnim licima, državnim organima i drugim institucijama u oblasti zaštite od požara ("Službene novine Federacije BiH", broj 59/10) i drugih propisa koji regulišu ovu oblast.

Obavljanje stručnih poslova iz oblasti zaštite od požara iz stava 1. ovog ovlaštenja daje se na period od 5 godina.

"ZEP-ING" d.o.o. Tuzla dužan je u roku od 15 dana od dana nastanka promjene, koja je od uticaja na sposobnost obavljanja stručnih poslova, kako je to navedeno u ovom rješenju, zatražiti izmjenu ovlaštenja.

Obrazloženje

"ZEP-ING" d.o.o. Tuzla, sa sjedištem u Tuzli, PZC Stupine do br. 11, podnio je, dana 28.06.2017. godine, zahtjev za izdavanje ovlaštenja za obavljanje stručnih poslova stručnog osposobljavanja i usavršavanja zaposlenih lica iz oblasti zaštite od požara.


Uz zahtjev je priložena sljedeća dokumentacija:

- Rješenje o izmjenama podataka broj 032-0-Reg-17-000017,
- Uvjerenje o poreznoj registraciji,
- Obavještenje o razvrstavanju pravnog lica prema klasifikaciji djelatnosti,
- Uvjerenje porezne uprave F BiH o aktivnim osiguranicima (Lista osiguranih lica za obveznika),
- Ugovor o zakupu prostora,
- Dokaz o ispunjavanju uslova stručne osposobljenosti zaposlenika (ovjerene fotokopije diploma i uvjerenja o položenom stručnom ispitu),
- Potvrda o radnom iskustvu u struci,
- Popis tehničke opreme i nastavnih sredstava za izvođenje obuke iz oblasti zaštite od požara,

- Dokaz o uplati naknade za izdavanje ovlaštenja.

Uzimajući u obzir naprijed navedeno, utvrđeno je da su ispunjeni uslovi za izdavanje ovlaštenja za izvođenje obuke od strane ovog pravnog lica, prema Programu obuke zaposlenika u pravnim licima, državnim organima i drugim institucijama u oblasti zaštite od požara ("Službene novine Federacije BiH", broj 59/10).

Pouka o pravnom lijeku: Protiv ovog rješenja se može izjaviti žalba Federalnoj upravi civilne zaštite, u roku od 15 dana od dana prijema istog. Žalba se predaje putem Kantonalne uprave civilne zaštite.



Direktor

Mr. sc. Zdenko Tadić

Dostaviti:

- naslovu
- evidenciji
- arhivi